

清代筆記叢刊

池北偶談

王士禛著

六

新編 北條氏

上巻

六

池北偶談卷十六

清 濟南王士禎阮亭著

談藝

景範碑

鄒平縣西南五六里有小山曰相公山。山前有景相公墓。墓上有碑。雖闕文尚可讀。近于奕正作天下金石志。亦未之載。錄於左云。

大周故銀青光祿大夫中書侍郎同中書門下平章事上柱國晉陽縣開國伯食邑七百戶贈侍中景公神道碑銘并序。

翰林學士朝議郎尚書水部員外郎知制誥柱國賜緋衣袋臣扈載奉敕撰。

翰林待詔朝議郎守司農寺丞臣孫崇望奉敕書。

帝軒轅乘土德之運。其臣曰奢龍祝融。能辨方域。以制區夏。帝姁氏禪陶唐之基。其

臣曰伯夷后夔。能典禮樂。以和人神。上古佐命之道。闕五焉。三政嗣興。圖史寢盛。彌

綸輔翼。代有其人。皆金策丹書。絢績功業。垂其訓聚。而為墳典。形其美流。而為歌頌。陋

篆籀之質略。我則潤之以闕五字。之淪朽。我則鏤之以貞珉。銘以紀功。碑以誌行。千載

之下。粲然可觀者。其惟神道之表乎。故中書侍郎平章事。景公諱範。皇朝元佐。闕二

顯德二祀冬十一月。薨於淄川郡之私第。天子廢視朝。軫殲奪之念。制贈侍中。遣使

贈奠。飾終之典。優而厚。闕二詔詞臣。闕一文。闕一琰盛矣。闕二孔惺彝鼎。不出廟門。

杜預豐碑。空沈漢水。姑自矜於名氏。誠未顯於邦家。與夫輝煌帝恩。導揚休烈。闕八

者可同日而語也。闕六綸有直而叙之用。丕顯我大君之命。臣聞景氏之先。出於羊

姓。從楚王於夢澤。闕一侍臣畫漢。闕一於雲臺。丹推名將。濟美垂。闕六生偉人。維

周之輔。長山之下。淄濟為川。地勝氣清。惟公故里。夫嘉遁絕世。高卧於是者。足以

顯氣而為。闕七生於是者。足以闕三而為世傑。故公之先。由烈考太僕府君之上。

曰王父賓。大王父閔。皆貞晦不仕。介享天爵。而巢許。闕十仲曰篆公。闕四世。闕二

聿登相位。而申甫之祥著矣。昔者聖人之教天下也。本之以仁義。制之以經籍。是謂

人文。是謂人。闕六以。闕一開物成務者。闕四所於此。闕二以公輔之位。必由稽古升。

廊廟之才。必以經術顯。而公以明經擢第於春官。氏則賢哲之。闕六為吏於清陽。闕十

字據於高密郡。秩滿而。闕一授范縣令。大鵬之翼。鍛北溟以未舒。蟄雷之聲。殷南山

而不。闕一然則。闕七于之。闕五通人之才。變而順。則方圓之量。不能局。故公之佐縣

政也。人謂其勤且潔矣。典刑書也。人謂其

闕八邑恪

闕一

使

闕一

政

闕一而

從入者。則人謂其賢且能矣。粵若日月之彩。得天而大明。風雲之期。遇屯而勃起。

字礎谿

闕一

璜

闕十

我大周聖神恭肅文武孝皇帝。建大功於漢室。為北藩於魏邦。

初筵既開。得賢斯盛。於是我公

闕九

而君臣之

闕九

龍飛在天。躬載曜靈。至於霄極。

皇業肇建。制以公為秋曹郎。進階至朝散大夫。而

闕九

萬

闕十

之樞。惟聖人執左契。

臨萬邦。經久制大命。日政之機。國之大柄。總於樞務者。可謂重矣。而公

闕九

忠而賢

闕十公為左司郎中。充樞密直學士。尋轉諫議大夫。克職。今皇帝嗣位之時。登用舊

臣。而并人乘我大喪。擁眾南寇。親征之舉。迅若奔雷。分命大臣保釐

闕七

於公仍拜

貳卿

闕九

振帝伐張黃鉞。白旄殪羣兇。而皆盡。參旗河鼓。導清蹕。以言旋。大侵既已

平。九服又已定

闕四

時惟輔臣而公昌言可

闕八

聖謨碩望。可以鎮流俗。爰立之命

帝心允孚。六府肇修。兵賦元大。邦之調用

闕五

公自立不回。信而有守

闕十

哉大運

逢時。洪鈞在手。資忠孝於君父。享富貴之崇高。而盡悴之勞。因成恙疾。封章疊上。優

詔褒稱。聽解利權

闕一

專

闕七

以列卿歸第。懸車故鄉。嗟風樹之忽驚。訴昊天兮何

極。見星而往。夕露方多。泣血以居。晨凝屢絕。哀與性盡。卧疾而終。享年五十有

闕二

字觀夫公之行事。則其道也淳而粹。充充焉。無能稱其言也。直而肆。蹇蹇焉。無所忌。
耿介以自立。強幹以自。字闕一故其仕也。字闕一一命之卑。字闕一三。字闕六無悔吝。古人之
操。何以尚也。東筆者得無愧於詞矣。許國夫人李氏。嗣子太廟齋郎嚴信等。字闕三靈
。字闕一先。字闕二烝嘗翼翼。賢人。字闕九子事終之禮。佳城閉目。長楸簞雲。勒銘垂休。以示
千古。其詞曰。

長白蒼蒼。湍水湯湯。哲人之生。逢時會昌。哲人之逝。魂遊故鄉。字闕一高山兮我逝。
水兮驚波。字闕一而。字闕一死。字闕九十山有頽坂。水有高岸。人何世而弗新。善何名兮獨遠。
猗歟公兮。時用丕顯。

顯德三年。歲次丙辰。十二月己未朔十日戊辰。

山泉翁詩

青州城南花林曠。泉石清幽有塵外之趣。山泉翁題詩云。山藏柳市無車馬。水隔桃
源有子孫。馮宗伯琦愛其語。遂與鍾司空珣約卜鄰其地。

集詞

秀水朱竹垞。集唐詩。為填詞一卷。名蕃錦集。殊有妙思。略錄數闕於此。○燕語踏

簾鉤李賀池北池南草綠建京口情人別久張繼與君歌一曲李賀○有時半醉百花前李賀
山月皎如燭韋應物贈瑤華之旖旎陳子昂得明珠十斛李賀○秋風清李賀秋色白李賀望盡
青山獨立盧綸披磧戶盧照度飛梁李賀吟詩秋葉黃杜幽蘭露李賀香楓樹皇甫吠犬鳴
雞幾處李賀同蒼翠劉長染羅衣李賀鳥還人亦稀李賀○江海茫茫春欲遍劉長岸上無
人孫光憲野色寒來淺羅隱向晚因風一川滿薛奇蘭閨柳市芳塵斷王越女含情已
無限許士灑霧飄煙包天畔登樓眼杜此夜斷腸人不見顧紗窗只有燈相伴裴此
首詠春雨尤字字入神

耕者王清臣

天啟初。潁川張遠度買田潁南之中村。地多桃花林。一日攜榼獨遊。見耕而歌者。徘徊
曠間。聽之。皆杜詩也。遂呼與語。耕者自言。王姓名清臣。舊有田。畏徭役。盡委諸其
族。今為人傭耕。少曾讀書。客有遺一冊於其舍者。卷無首尾。讀而愛之。故嘗歌。亦不
知杜甫為何人也。異日遠度過其廬。見舊歷背。煤字漫滅。乃燒細枝為筆。所書皆所
作詩。後經亂。不知所在。張獨傳其一篇云。人生如泛梗。飄飄殊無根。飲啄得幾許。營
營晨與昏。對此春日好。荷鋤出南原。近觀草色軟。靜聽鳥語繁。諸有弄化本。雜還呈

真元曉然似供我。寧不倒清樽。有身貴適意。窮達安足論。此亦杜五郎之流歟。

草賢

崔瑗善章草。王隱謂之草賢。此在草聖之前。而人罕知之。

考功詩

從叔祖李木考功。轅跌宕使氣。常引鏡自照曰。此人不為名士。必當作賊。嘗奉使長安。飲於曲江。賦詩云。韋曲杜陵文物盡。眼中多少可兒墳。其傲兀如此。有題項王廟樂府一篇云。三章既沛秦川雨。入關更縱阿房炬。漢王真龍項王虎。玉玦三題王不語。鼎上杯羹棄翁姥。項王真龍漢王鼠。垓下美人泣楚歌。定陶美人泣楚舞。真龍亦鼠虎亦鼠。此詩劉公弼絕愛之。公與文光祿太青友善。詩亦齊名。錢牧齋尚書云。文天瑞如魔波旬。具諸天相。能與帝釋戰鬪。遇佛出世。不免愁宮殿震壞。王李木如西域婆羅門。邪師外道。自有門庭。終難皈依正法。然其警策處。要自不可磨滅。列朝詩中。僅錄三首。又非佳作。

三禮

楊太史用賓。觀先致知小語云。周禮儀禮大戴禮曰三禮。喪禮葬禮祭禮曰三禮。出喪禮。

天神人鬼地祇亦曰三禮出典

唐宋詩句

晚唐人詩。風暖鳥聲碎。日高花影重。曉來山鳥鬧。雨過杏花稀。元人詩。布穀叫殘雨。杏花開半村。皆佳句也。然總不如右丞興闌啼鳥緩。坐久落花多。自然入妙。盛唐高不可及如此。

蟹字韻詩

顧奴字啟姬。杭州人。適鄂生某。康熙庚申。從其夫至京師。嘗見所著靜御堂集小賦詩詞。頗婉麗。九月。予與同人飲宋子昭工部小園。限蟹字韻。翌日鄂詩先就。顧代作也。其末云。予本澹蕩人。讀書不求解。爾雅讀不熟。螭蜺誤為蟹。予驚歎。顧善歌。所製詞曲。有一輪月照一雙人面之句。予最賞之。

梵雅

安丘馬禮部應龍撰梵雅十二卷。釋言第一。釋義第二。釋相第三。釋教第四。釋佛第五。釋菩薩第六。釋聲聞第七。釋外道第八。釋人倫第九。釋天文第十。釋地理第十一。釋鳥獸第十二。

安邦試錄

孫沙溪無用閑談載安邦鄉試錄并其賦表極佳。雖中華文士無以過之。安邦者安南一道之名也。試錄題云。洪德二年辛卯。蓋其國初場四書義四篇。五經義五篇。二場制詔表各一篇。三場詩賦各一篇。四場長策一篇。交趾明初為十四道之一。蓋沿中國科舉之制而稍損益之耳。其擬謝玄讓前將軍表曰。奈彼氏秦。生心猾夏。逞虎貪狼噬之惡。正爾憑陵。賴風聲鶴唳之威。居然奔潰。諒本皇天之助順。亦由廟算之先幾。詎意圖功。驟加異寵。言念百年之績。猶後即誅。豈伊一戰之勞。敢先受賞。木罌賦曰。雪壘恥於榮陽。振槁葉乎灘水。土自閑於汜濟。人何擇於善泗。又云。惜乎始終參差。倉皇反復。固陵之車。桅不來齊。村之禍坑。自速智已。局於挈瓶。悔猶追於鼎足。甕輻啟釁。瓶羸告凶。檻車之困。未幾鐘室之恨。何窮。鳥言升服。何以有此。亦奇矣。

粵風續九

粵西風淫佚。其地有民歌。猺歌。狼歌。獐歌。蛋人歌。狼人扇歌。布刀歌。獐人舞。桃葉等歌。種種不一。大抵皆男女相謔之詞。相傳唐神龍中。有劉三妹者。居貴縣之水南村。善歌。與邕州白鶴秀才。登西山高臺。為三日歌。秀才歌芝房之曲。三妹答以紫鳳之

歌秀才復歌桐生南嶽三妹以蝶飛秋草和之秀才忽作變調曰郎陵花詞甚哀切
三妹歌南山白石益悲激若不任其聲者觀者皆歔歔復和歌竟七日夜兩人皆化
為石在七星巖上下有七星塘至今風月清夜猶彷彿聞歌聲焉同年睢陽吳井渠
淇為潯州推官采錄其歌為粵風續九雖侏儻之音時與樂府子夜讀曲相近因錄
數篇民歌曰妹相思不作風流待幾時只見風吹花落地不見風吹花上枝相思思
想妹蝴蝶思想也為花蝴蝶思花不思草兄思情妹不思家蝴蝶思花娘在一岸也無遠
弟在一岸也無遙兩岸人煙相對出獨隔青龍水一條隔水妹嬌娥憐兄一箇莫憐
多已娘莫學鯉魚子那河又過別條河妹同嫩鴨行遊塘柵上嬌娥尚細不曾知天
早蜘蛛結夜網想晴只在暗中絲塘上妹相思妹有真心弟也知蜘蛛結網三江口水
推不斷是真絲妹妹科舉秀才取紅豆相思及早辦前程黃菊花開九月九枝枝葉
葉有娘名黃菊猛歌云思娘猛行路也思睡也思行路思娘留半路睡也思娘留半
牀一白馬兔白馬端正也難騎娘騎馬頭表馬尾馬轡共共妹臨比二臨比鄧娘同
行江邊路却滴江水上娘身滴水一身娘未怪表憑江水作媒人三鄧黃蜂細小螫
人痛油麻細小炒仁香鴨兒細細著水面表綠細小愛憐娘四狼歌六吞六齊度菊

口籠六鳥也吞見也齊度大塚大路無數岔。江河無數曲。望東西南北。花色一般紅。

又舊錢便好使。舊米好做糲。望北斗超生。望有彭照顧。彭謂各想心各愁心頭如馬

踐。條條臘真力。百色盡眉齊。臘擔也真力重也三十六圖羊。四十雙圖雞。言采禮之多盛稱夫家與羅敷行同

意。種歌口三六四里踏得耳。花桃花脉淋了好。花桃淋了密。淋了細絲絲。淋了離乙

乙。養勒佛排搥。養勒花排菲。里樣對鴛鴦。里樣梁山伯。山伯祝英臺。此進出踏歌之詞口入也脉解

也。淋諦視也離陸離之意乙猶亞也五六句承四五句言桃花附夢之樣艷已下五句專賦踏歌之人勒无也挹整齊也非美麗也男女相悅言男如佛女如花耳鴛鴦

祝比之於鳥梁。蛋歌。蛋有三種蠔蛋木蛋魚蛋此魚蛋也錯畔行過蘇行巷。魚通水透到花街。木樨花

發香十里。蝴蝶聞香水面來。一蛋船起離三江口。只為無風浪來遲。月明今網船頭

撒情人。水面結相思。二今琴也三江鹿在高山喫嫩草相思水面緝麻紗紋藤將來

作馬疋。問娘鞍落在誰家。三麻紗網也魚蛋浮家泛宅故所賦不離江上也狼人扇歌者。書歌於扇。字如蠅

頭。一面則花鳥。其詞有云。比萬兩千金。眉心又眉意。比火帝龍師。結夫妻卦世。火帝龍師

卦。二人名也擔歌者。峒人多以木擔聘女。或持贈所歡。以五采斷作方段。斷處文如鼎彝

歌。與花鳥相間。字亦如蠅頭。布刀者。峒人織具也。書歌於刀上。間以五采花卉。明漆

沐之。又有師童歌者。巫覡樂神之曲。詞不錄。

彭氏詩

鄧州彭氏布政使禹峯述而女適李鴻鴻字青立又達公裔孫學士恒茂之子予門人也鴻亦能詩而才不及婦予嘗序其蝶龕集刻之京師如咏白蓮云月亦驕花色風偏送葉香刺繡云針宜停午倦窗喜趁新晴送外云山川日以遠雨雪天將寒皆佳句也又雷家灣云峯峯斜倚俯清濤一葉孤舟亂後身洞阻白雲雞犬在此中大有避秦人金銀洞云絕壁繩橋萬壑深春風何意此登臨安禪暫借蒲團力坐聽神龍澗底吟又陰厓如幄俯青蘿脉脉寒泉漱素波豆大一舟沙際望四山香氣鳥聲和種桃柳云繞畦煙水望迷離種得桃枝間柳枝好是年年芳草地春晴須記聽鶯時惜香橙云幾經剪拂始成林夏晚移牀就綠陰却怪一朝風雪惡惜香空負十年心此類數十篇皆可誦也

超一子

超一子者廣陵殷氏女早寡學道三年坐化遺詩偈一卷有云靜中無箇事反復弄虛空地老天荒後魂飛魄喪中有師開道統無法度愚蒙忽底虛空碎夕陽依舊紅又看花云土來澆灌水來栽顛倒工夫任我來滿院春風花自語不將顏色向人開

四六話

宋王銍作四六話二卷與詩話賦話文話並傳於時。又有作四六談麈者。唐宋以來重四六如此。故溫公知制誥以不能作四六辭。識小編載洪武六年諭禮部尚書牛諒。禁止四六文字。并表箋亦然。諒等乃錄柳子厚代柳公綽謝上任表。韓退之賀雨表。以上命頒行天下以為式。然其後制誥表箋皆用四六。未嘗變也。

宋元人集目

秀水曹侍郎秋岳。洛好收宋元人文集。嘗見其靜惕堂書目所載。宋集自柳開河東集已下。凡一百八十家。元集自耶律楚材湛然集已下。凡一百十有五家。可謂富矣。近時石門吳孟舉振刻宋詩鈔亦至百數十家。多秘本。蓋吳與其縣人呂莊生留兩家所藏本。而穎濱南豐尚不及載。則未刻尚多也。吳曾為予言。唐樊宗師。宋二劉公是公非集。其家皆有之。又嘗見金陵黃俞部樓徵刻唐宋元書目所載。有金趙秉文。塗水集二十卷。元郝經陵川集三十九卷。癸亥俞部以徐都憲立齋元疏薦入明史館。予時向之借書。所見如李觀集。司空圖一鳴集。沈亞之下賢集。柳開河東集。王令廣陵集。牟獻陵陽集。李之儀姑溪集。耶律楚材湛然居士集。皆目所未載者。又予家

所有張養浩歸田類稿。石介徂徠集。尹洙河南集。岳珂玉楮集。則黃氏之所未備也。近朝鮮入貢使臣。至京亦多購宋元文集。往往不惜重價。祕本漸出。亦風會使然。水東日記云。張文忠公全集。今在故副都御史雲中孫廷瑞家。蓋齊府舊物。有歐陽圭齋序。予所見本。有字木魯耕序。而無圭齋序。

杼山集牒

釋書。杼山集十卷。有湖州刺史于頔序。詩七卷。碑誌傳讀書序二卷。聯句一卷。首載敕浙西觀察使。牒湖州當州。皎然禪師集。牒得集賢殿御書院。牒前件。集庫內無本。交闕進奉。牒使請速寫送院。訖垂報者。牒州寫送使者。故牒貞元八年正月十日。牒都團練副使。權判兼侍御史。李元使。潤州刺史。兼御史中丞王緯。按唐六典。集賢殿學士。掌刊緝古今圖籍。凡天下圖書之遺逸。賢才之隱滯。則承旨而徵求焉。當時一衲子之集。至下敕觀察使。牒本州寫送。其於文事。可謂勤矣。後世如此等事。豈可易得。張睿卿稚通。所編吳興唐五家集。略同。但作四卷。

王威寧詩

予改官翰林侍講時。淄川唐濟武夢太史寄詩云。蠟燭五侯新制誥。鞦韆三影舊郎

中語雖巧特工妙。後讀王威寧詩有云。江浙老成新運使。戶曹公道舊郎中。乃知前輩已有此句法。但工拙異耳。

武侯集

宋龍泉葉氏習學記言序目云。諸葛武侯集。荀勗和嶠令陳壽所定。亮之言。魏晉所不欲聞。然且存之。而不敢沒。非亮至誠。孰能使之哉。予謂是固忠武至誠動物之效。而晉武帝之視宋哲徽二宗。勗嶠之視章惇蔡京輩。務俾蘇黃諸公著作。一字不存於世。明太宗靖難後。舉世以方正學文章為諱。其用心霄壤矣。葉謂晉武好善忘讎。自是盛事。故其後裔。雖亂而尚延旨哉。曹操殺孔北海。其子丕獨愛融文辭。每歎曰。揚班儔也。慕天下有上融文章者。輒賞以金帛。此又在晉武之前。皆後世所不及。

葉水心論三國志

葉水心謂陳壽三國志筆高處。逼司馬遷。但少文義緣飾。終勝班固。又云。近世有謂三國志當更修定者。蓋見注所載。尚有諸書。不知注之所載。皆壽棄餘。按陳壽之書。古今訾謗者非一。班氏良史。以壽勝固。殊不可解。若其稱名三國。名義乖舛。自陳同甫。郝伯常。諸人皆改正其書。此外作者尤衆。林霽山集有胡君季漢正義序。楊廉

夫正統雜其言尤著。近世歛人謝陞少連。李漢書出。不惟名正言順。抑且文詞斐然。惜水心不及見耳。駟不及古。葉氏之謂矣。

管夫人畫

祁縣戴楓仲藏管夫人道昇小畫一幀。有細書十字云。山迴新綺閣。竹掩舊朱門。邢子愿太僕題云。竹繞層樓。罨網蛛絲。絲縷縷。貌雲瞿。倦來素面流輕粉。尚衣羊肝半臂無戴。博雅有文。與傳青主善。有半可集。

毘陵集

唐獨孤及毘陵集二十卷。有朝議大夫前守虔州刺史隴西李舟序。補闕安定梁肅後序。此序載文粹中未有祝允明跋云。毘陵集二十卷。秘藏天府。世罕其傳。吳文定公在東閣抄藏於家。其孫經府君與貞山給事為內兄弟。給事因得假歸。錄之云。詩三卷。通八十二篇。與今詩紀所載無異。餘賦一表二十七。書二。議九。銘三。頌一。論一。說二。碑五。序五十一。集序三。讚六。記述十二。策書四。文十二。行狀二。碑銘五。靈表一。墓誌二。十七。祭文九。康熙癸亥閏六月。借抄於晉江黃氏。

林文軒駁詩本義